



Su Excelencia Sr. N.O. Oduber
L.G. Smith Blvd. 18
Oranjestad – Aruba
Mensahe entrega via entrega personal y fax: 588-0024

Oranjestad, 23 di september 2009
CBB 59-09

Asunto: Orden y seguridad publico

Excelencia,

Pa medio di esaki Comision Bon Boluntad (CBB) ta desea di gradici Su Excelencia pa e contesta riba e carta di 18 di september 2009 di CBB (CBB_55-09).

Den su carta, Su Excelencia ta muestra riba diferente punto cu lo ta dificulta Su Excelencia, den su calidad di Ministro di Asunto General, cu conforme 'Landsverordening Instelling Ministeries, 2001, art 4', ta esun maximo responsabel pa mantencion di Orden Publico, pa eherce su trabao. CBB ta kere cu ta sumamente preocupante cu Ministro di Asunto General ta sinti cu nos pais lo ta den un situacion di tal indole cu ta haci imposibel pa e, como ministro responsabel, mantene Orden Publico. Nos Estado di Derecho ta provee instrumento legal pa confronta e problema aki y Ministro di Asuntonan General tin institucion, como por ehempel leyman y autoridadnan, na su disposicion den esaki. Si en caso cu e institucionnan aki no ta funcionando como debe ser, CBB ta kere cu tin cuadronan legal na disposicion di Ministro Presidente pa coregi esaki. CBB ta di opinion cu naturalmente posicion y prestigio di e funcion di Minister Presidente mester haya e respet debido di nos comunidad. CBB ta kere cu aki tin un oportunidad y reto importante pa nos Gobierno pa garantiza y consolida e principionan fundamental di nos democracia.

CBB ta convenci cu pueblo di Aruba ta interesa den paz y union y tin varios desaroyo positivo den nos pais, cu merece aprecio y reconocimiento di parti di Gobierno y especialmente di parti di Ministro Presidente. Esaki ta algo critico den e proceso pa consolida nos democracia y pa fortalece e confianza den Gobierno. CBB ta kere cu un dialogo habri y respetuoso di parti di Minister Presidente cu ciudadania, scuchando y respetando su preocupacion y su necesidad pa harmonia, lo por conduci na e *union y solidaridad tan necesario den nos pueblo*.

Finalmente, CBB ta consisti di ciudadano preocupa pa buena marcha di nos pais, cu ta representa diferente gremio y cu ta alavez di profesional cu conoce nos pais. CBB a establece su tareanan y a informa comunidad di esaki. CBB a habri na tur manera e posibilidad pa tanto partido politico como tur ciudadano entrega su comentario, inclusivo keho, cerca CBB. CBB a trata tur keho y comentario cu a yega cerca dje na un manera responsabel y consistente.

Por lo demas, CBB ta ofrece su disposicion pa combersa cu Minister Presidente tocante e tarea di CBB, y ta interesa den sugerencia di Su Excelencia pa mehora trabao di CBB.
Atentamente, na nomber di Comision Bon Boluntad,

Lydia Emerencia, Presidente
cc. Gobernador di Aruba

Secretariado di Comision di Bon Boluntad :
Tel. 582-1120 Ext. 34/41-Fax. 588-3200
E-mail secretariat@arubachamber.com
Website: www.arubachamber.com/ComisionBonBoluntad.htm